



ქალაქ ფოთის მუნიციპალიტეტის საკრებულო



განკარგულება № 7/18

2020 წლის 13 ქვის

ქალაქი ფოთი

ქალაქ ფოთის მუნიციპალიტეტის საკრებულოს ფრაქცია „ქართული ოცნების“ თავმჯდომარის, ზურაბ ჩაჩუას დაკავებული თანამდებობიდან გადაყენების (უფლებამოსილების შეწყვეტის), თავმჯდომარის მოადგილის, სამსონ კუტალიას დაკავებული თანამდებობიდან გადაყენების (უფლებამოსილების შეწყვეტის) და ფრაქციის თავმჯდომარედ სამსონ კუტალიას არჩევის ცნობად მიღების შესახებ

საქართველოს ორგანული კანონის „ადგილობრივი თვითმმართველობის კოდექსის“ 38-ე მუხლის მე-4 პუნქტის შესაბამისად, მუნიციპალიტეტის საკრებულოს ფრაქციის თავმჯდომარის არჩევის წესი და უფლებამოსილებანი განისაზღვრება მუნიციპალიტეტის საკრებულოს ფრაქციის წესდებით.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული რეგლამენტის 37-ე მუხლის მე-3 პუნქტის შესაბამისად, ფრაქციის თავმჯდომარის და ფრაქციის სხვა თანამდებობის პირების (ფრაქციის თავმჯდომარის მოადგილე, ფრაქციის მდივანი და სხვ.), უფლებამოსილების, არჩევის, გადარჩევის და ფრაქციის შიდა ორგანიზაციული მუშაობის საკითხები განისაზღვრება ფრაქციის წესდებით.

ფრაქცია „ქართული ოცნების“ წესდების მე-11 მუხლის შესაბამისად, ფრაქციის დადგენილება (გადაწყვეტილება) მიღებულად ჩაითვლება თუ მას მხარი დაუჭირა სხდომის დამსწრე წევრთა უმრავლესობა.

ფრაქცია „ქართული ოცნების“ 2020 წლის 11 მაისის №7 სხდომის ოქმით დგინდება, რომ ქალაქ ფოთის მუნიციპალიტეტის საკრებულოს ფრაქცია „ქართული ოცნების“ თავმჯდომარის დაკავებული თანამდებობიდან გადაყენებულ იქნა (შეუწყდა უფლებამოსილება) ზურაბ ჩაჩუა, ამასთანავე, თავმჯდომარის მოადგილის დაკავებული თანამდებობიდან გადაყენებულ იქნა (შეუწყდა უფლებამოსილება) სამსონ კუტალია და ფრაქციის თავმჯდომარედ არჩეულ იქნა სამსონ კუტალია.

აღნიშნულიდან გამომდინარე:

მუხლი 1.

1. ცნობად იქნას მიღებული საკითხები ქალაქ ფოთის მუნიციპალიტეტის საკრებულოს ფრაქცია „ქართული ოცნების“ თავმჯდომარის, ზურაბ ჩაჩუას დაკავებული თანამდებობიდან გადაყენების (უფლებამოსილების შეწყვეტის), თავმჯდომარის მოადგილის, სამსონ კუტალიას დაკავებული თანამდებობიდან გადაყენების (უფლებამოსილების შეწყვეტის) და ფრაქციის თავმჯდომარედ სამსონ კუტალიას არჩევის შესახებ.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 2020 წლის 13 მაისიდან.

საკრებულოს თავმჯდომარე



ბეჭა ვაჟარაძე